

中國近現代女性
學術叢刊續編玖

綫裝書局

W18
23
=9(22)

主 编 孙晓梅 第二十二册

中国近现代女性学术丛刊续编（九）

线装书局



目次

第二十二册

古今列女传(一)		一
古今列女传(二)		一一九
古今列女传(三)		二三九
温氏母训		三三一
列女传		三六九

(明)解縉等撰

古今列女傳(一)

四庫本



四庫全書

史部

欽定四庫全書

史部
古今列女傳卷一

詳校官侍讀_臣陳萬青

刑部郎中_臣許兆椿覆勘

總校官中書_臣朱 鈐

校對官助教_臣胡子襄

謄錄貢生_臣李 樞

欽定四庫全書

史部七

古今列女傳

傳記類三 總錄之屬

提要

臣等謹案古今列女傳三卷明解縉等奉勅撰先是明太祖孝慈皇后馬氏每聽女史讀書至列女傳謂宜加討論因請於帝命儒臣攷訂未就永樂元年成祖既追上馬后尊謚冊寶仁孝皇后徐氏復以此書為言因命縉

及黃淮胡廣胡儼楊榮金幼孜楊士奇王洪
蔣驥沈度等同加編輯書成上進帝自製序
文刊印頒行上卷皆歷代后妃中卷諸侯大
夫妻下卷士庶人妻時徐后作貞烈事實以
闡幽微顯頗留意於風教故諸臣編輯是書
稍為經意不似五經四書大全之潦草所錄
事蹟起自有虞迄于元明漢以前多本之劉
尚書後代則畧取各史列女傳而以明初人

附益之去取頗見審慎蓋在明代官書之中
猶為善本此為秀水項元汴家所藏猶明內
府初刊之板黃虞稷千頃堂書目稱此書成
於永樂元年十二月今考成祖御製序實題
九月朔旦知虞稷未見原書僅據傳聞著錄
矣乾隆四十三年八月恭校上

總纂官

臣紀昀

臣陸錫熊

臣孫士毅

總校官

臣

陸費墀

墀

中国近现代女性学术丛刊续编(九)

古今列女傳原序

朕聞惟天下至誠為能經綸天下之大經立天下之大
本知天地之化育大經者五品之人倫也大哉經綸之
道乎而以人倫為本人之大倫有五而男女夫婦為先
有夫婦而後有父子有父子而後有君臣妃匹之際生
民之始萬福之原經訓之作皆載之首篇聖帝明王相
傳之要道豈有加於此哉是故唐虞遠矣三代莫盛於
周太王王季肇建邦家文王誕膺天命以撫方夏武王

周公修太平之業姜任繼美如續徽音輔成闕睢麟趾
之化朕嘗求之豳風觀其習俗之美家人婦子驩然有
恩粲然有文饁田畝為酒食治蠶績供衣裳以奉獻祭
實二南之權輿也及乎周南后妃貴而勤富而儉長而
敬不弛於師傅嫁而孝不衰於父母樂而不淫憂而不
傷逮下而有螽斯之祥仁厚而致麟趾之應雍雍乎熙
熙乎漢廣汝墳咸被其化端莊靜一無狎昵之私離別
告語皆忠厚之意何其盛也蓋古必有女師之官所以

教之之具委曲詳盡皆著於書周衰散佚今內則諸篇
寂寥數言而已近世有欲復古者相承述作其說浸廣
獨劉向輯古列女傳上自后妃下逮士庶人之妻惓惓
忠愛之意欲以感悟其君其意亦美矣惜其傳久散亂
南豐曾鞏已不得其詳論其乖異而曰覽者擇其是非
向之分類尤不能無議者有虞二妃而冠之母儀之篇
謂之何哉向之失不至此其亦未成之書歟朕自少時
伏觀皇考修身齊家皇妣輔治同德訓飭整齊委曲詳

原序

盡古人之遺意復見於今日皇妣每聽女史讀書至列女傳謂宜加討論刪定為書永作世範請於皇考命儒臣考正有緒未就皇妣違榮皇考每歎息悲傷其意竟未及成書永樂元年六月朕既上冊寶尊謚皇考聖神文武欽明啓運俊德成功統天大孝高皇帝皇妣孝慈昭憲至仁文德承天順聖高皇后纂成實錄宮壺復申皇妣之意朕不敢違乃命儒臣編次古今后妃諸侯大夫士庶人妻之事分為三卷頒之六宮行之天下俾為

師氏知所以教而閨門知所以學庶修身者不至以家
自累而內外有以相成全體經綸之功大復虞周之盛
以知天地之化衍闢雕麟趾之風朕於是書實有望焉
永樂元年九月朔旦御製

